

Innaallagissamut, imermut ataatsimoortumillu kiassarnermut immikkoortukkaanut aningaasartuutit naatsorsorneqartarnerini aningaasartuutit agguataarneqartarnissaannut periusissatut tunngavissanik aalajangersaasarneq pillugu Namminersornerullutik Oqartussat nalunaarutaat

Nukissamik pilersuineq pillugu Inatsisartut peqqussutaanni nr. 14, 6. november 1997-imeersumi § 18, imm. 3, aamma § 21 naapertorlugit aalajangersarneqarput:

Kapitali 1

Siunertaq atortuuffilu

§ 1. Nalunaarutikkut siunertarineqarpoq qularnaassallugu, innaallagissamut, imermut ataatsimoortumillu kiassarnermut immikkoortukkaanut aningaasartuutit assigiiaartumik periuseqarluni naatsorsorneqartarnissaat.

§ 2. Nalunaarummut ilaapput pilersuiviit innaallagissamik, imermik ataatsimoortumillu kiassarnermik pisortat pilersuiviinut pissarsiniartarnermik, ingerlatseqqittarnermik, tunisassiornermik siammarterisarnermillu suliaqartut.

§ 3. Nalunaarutikkut pilersuiviup agguataarneqartussanik naatsorsuusiornermut atugassanik, sumiifffinnut ataasiakkaanut tamanut naatsorsorneqartartussanut immikkoortukkaanut aningaasartuutit naatsorsorneqartarnerinut toqqammaviusunut, aningaasartuutit agguataarneqartarnissaanni periusiussatut tunngavissat aalajangersarneqarput.

Kapitali 2

Agguaassinermut naatsorsuutit

Sumiiffikkaarlugu ukiumoortumik suliarinnittarneq

§ 4. Pilersuiviit ataasiakkaat ukiut tamaasa agguaassinermut naatsorsuusiortassapput ukiumoortumik naatsorsuutini paasissutissaatit assingi toqqammavigalugit, sumiifffinnut tamanut ataasiakkaanut atuuttunik, takuulli imm. 3. Sumiiffittut paasineqartassapput illoqarfiit ataasiakkaat aamma nunaqarfiit ataasiakkaat.

Imm. 2. Illoqarfiit marluk arlallilluunniit tunisassiornermik siammaterinermillu pilersuivimmiit ataatsimit pilersorneqartarpata, tamakku sumiiffittut ataatsitut naatsorsuutigineqassapput.

Imm. 3. Kiassarnermut agguaassinermut naatsorsuutit tunisassiorfullutik immikkoortunut tamanut

naatsorsorneqartassapput sumiiffinnut ataasiakkaanut tamanut siammarterissutit tassunga atasut ilanngullugit, naatsorsuuserisarnermi teknikkikkut periarfissaqalerpat, kingusinnerpaamilli 2010-mi.

§ 5. Agguaassinermut naatsorsuutit illoqarfinnut tulluuttunut naatsorsorneqartassapput: Nanortalik, Qaqortoq, Narsaq, Paamiut, Nuuk, Maniitsoq, Sisimiut, Kangaatsiaq, Aasiaat, Ilulissat, Qasigiannugit, Qeqertarsuaq, Uummannaq, Upernavik, Qaanaaq, Tasiilaq aamma Illoqqortoormiit.

§ 6. Agguaassinermut naatsorsuutit nunaqarfinnut tulluuttunut naatsorsorneqartassapput: Aappilattoq (Nanortalik), Narsaq Kujalleq, Tasiusaq (Nanortalik), Ammassivik, Alluitsup Paa, Saarloq, Eqalugaarsuit, Qassimiut, Igaliko, Qassiarsuk, Arsuk, Qeqertarsuatsiaat, Kapisillit, Atammik, Napasoq, Kangaamiut, Itilleq, Sarfannguit, Attu, Iginniarfik, Niaqornaarsuk, Ikerasaarsuk, Akunnaaq, Kitsissuarsuit, Ikamiut, Oqaatsut, Qeqertaq, Saqqaa, Ilimanaq, Ka-ngerluk, Niaqornat, Qaarsut, Ikerasak, Saattut, Ukkusissat, Illorsuit, Nuugaatsiaq, Upernavik Kujalleq, Kangersuatsiaq, Aappilattoq (Upernavik), Nutaarmiut, Tasiusaq (Upernavik), Nuussuaq, Kullorsuaq, Naajaat, Innaarsuit, Savissivik, Siorapaluk, Moriusaq, Sermiligaaq, Isortoq, Kulusuk, Tiniteqilaaq, Kuummiut, Uunarteq, Itterajivit, Kangerlussuaq aamma Narsarsuaq.

Kapitali 3

Periusissatut tunngaviit

Ingerlatsinermi sanaartornermilu aningaasartuutit

§ 7. Agguaassinermut naatsorsuutitut ilaapput pilersuiviit ataasiakkaat ingerlatsinermi sanaartornermilu aningaasartuutaat imatut paasineqartussat:

- 1) Toqqaannartumik toqqaannartuunngitsumillu aningaasartuutit, taakkununga ilanngullugit sulisunut, naammassisaqarsinnaassutsikkut aningaasartuutitut, isumakkeerisarnernut, nioqqutissanik atuinnermut, ernianut il.il. aningaasartuutit.
- 2) Pilersuiviup nammineerluni akilersuutigisartagai.

Aningaasartuutit isertitallu assigiinngitsut

§ 8. Aningaasartuutit isertitallu assigiinngitsut imatut agguataarneqartassapput:

- 1) Annertussutsit pilersuutigineqartut aallaavigalugit agguataarisoqartassaaq, annertussutsilli akiligassiissutigineqarsimasut atorineqartassapput, annertussutsitut pilersuutigineqartunut tatiginartunik paasissutissaqanngippat.
- 2) Innaallagissamut, imermut kiassarnermullu toqqaannartumik aningaasartuutit isertitallu assigiinngitsut toqqaannartumik innersuunneqarsinnaasut illoqarfinnut nunaqarfinnullu ataasiakkaanut naatsorsuutitut ilaatinneqartassapput.
- 3) Immikkoortortaqaarfinnut, illoqarfinni nunaqarfinni assigisaannilu nukissiorfeqaarfinnut ataatsimoorussamik aningaasartuutit agguataarneqartassapput innaallagissamik, imermik kiassarnermillu pilersuinnermut immikkoortortaqaarfinni, innaallagissamut imermut kiassarnermullu sulisunut, naammassisaqarsinnaassutsimut isumakkeerisarnernullu aningaasartuutit malillugit. Qitiusumik allaffeqarfimmut aningaasartuutit, nukissiorfeqarfiit sulisuinut, naammassisaqarsinnaassutsimut immikkoortortaqaarfinnilu ataasiakkaani isumakkeerisarnernut tamakkiisumik aningaasartuutit malillugit, innaallagissamik, imermik kiassarnermillu pilersuinnermut agguataarneqartassapput. Tamatuma kingorna aningaasartuutit immikkoortortaqaarfinni ataasiakkaani pilersuutigineqartut naapertorlugit illoqarfinnut nunaqarfinnullu agguataarneqartassapput. Qitiusumik allaffeqarfimmit tamakkiisumik

agguataarisinnaaneq periarfissaqassanngippat, qitiusumik allaffeqarfimmi aningaasartuutini ilanngaassineq pisinnaasaaq tunngavilersorluakkamik missingersuineq tunngavigalugu.

Suliffeqarfimmi namminermi akilersuisarneq

§ 9. Suliffeqarfimmi namminermi innaallagissamut, imermut kiassarnermullu akilersuisarneq imatut ingerlanneqassaaq:

- 1) Tunisassiorfinnit siammarterivinnit allanit innaallagialu, imeq kiassarnerlu pissarsiarineqartarpata tamanna akilersorneqartassaaq atuisumut aningaasartuutit sipaarutaasut aallaavigalugit. Taamatut akilersuisarneq nuna tamakkerlugu agguaqatigiissitsisimanermit tunngaveqartinneqassaaq.
- 2) Erngup nukissiorfimmit innaallagialu kiassarnerlu sinneruttoq pissarsiarineqartassaaq suliffeqarfimmi 0,01 kWh-tut akilersuinermit aki naapertorlugu.

Imm. 2. Kangerlussuarmut Narsarsuarmullu atuuppoq, nunap sinneranisut suliffeqarfimmi akilersuisarnermit aki atorpeqartoq atorpeqartassammat.

Ilanngaaseereerluni erniat

§ 10. Ilanngaaseereerluni erniat agguataarneqartassapput ukiup naanerani illoqarfinnut nunaqarfinnullu innaallagissamik, imermik kiassarnermillu pilersuinermit sanaartukkat nalingi naatsorsuutini allanneqarsimasup nalinga naapertorlugu.

Isumakkeerisarnerit

§ 11. Isumakkeerisarnerit, taakkununga ilanngullugit nalikilliliinerit naleqarnerulersitsinerit, pilersuiviit ukiumoortumik naatsorsuutaannut maleruagassat naapertorlugit ilanngunneqartassapput, pigisanullu ataasiakkaanut ilanngunneqartassallutik.

Imm. 2. Agguassinermit naatsorsuutitigut takuneqarsinnaasaaq, pigisat sorliit isumakkeerneqarsimannginnersut.

Aningaasaliinernut akiliutit

§ 12. Aningaasaliinernut akiliutit agguassinermit naatsorsuutinit ilanngullugit naatsorsorneqartassanngillat. Akiliutilli naatsorsuutinit ilanngunneqarsinnaassapput Inuussutissarsiornermut Pisortaqarfik taamaasiornissamut akuersissuteqassappat. Taamaattoqassappat immikkoortukkaanut aningaasartuutit 5%-a angullugu akiliutissaq naatsorsorneqarsinnaasaaq, tassungalu ilanngunneqartassalluni.

Kapitali 4

Immikkoortukkaanut aningaasartuutit naatsorsorneqartarnerat

§ 13. Immikkoortukkaanut aningaasartuutit naatsorsorneqartassapput agguataarneqartussanik naatsorsuutini aningaasartuutit naatsorsorneqarsimasut annertussutsinik pilersuutigineqarsimasunik agguarlugit, annertussutsit akiligassiissutigineqarsimasut ikiorsiullugit.

Imm. 2. Inuussutissarsiornermut Pisortaqarfiup nalunaarutigisinnaavaa, suli aningaasartuutitigut kisitsisinik allanik naatsorsuisoqassasoq.

Kapitali 5

Allaffissorneq

§ 14. Agguaassinermut naatsorsuutit Inuussutissarsiornermut Pisortaqarfimmut nassiunneqassapput.

Kapitali 6

Atuutilernera

§ 15. Nalunaarut manna 1. september 2006-mi atuutilerpoq.

Namminersornerullutik Oqartussat, ulloq 10. august 2006.

Siverth K. Heilmann

/

Peter Hansen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut